

## **Akilerartarnermut aalajangiisartut aalajangiussa**

Suliap ilisamaataa:	2008-2210-02
Aalajangiiffigineqarpoq ulloq:	22. oktober 2008
Aalajangiussa saqqummiunneqarpoq :	20.april 2009
Ukioq naatsorsuiffiusoq:	2005
Pineqarpoq:	Akileraarutit

Pineqartumi oqaasertat: Ilanngaaitit, ilassinninnermi aningaasartuutit, ilassinninniarluni aggersaaneq, piginneqatigiiffik, piginnittuunerpaaq, pisortaq, ilanngussaq, uppersaateqarneq

### **Eqikkaaneq**

Pisortap aamma piginnittuunerpaajusup, Kalaallit Nunaanni ukiunik 30 – nngortorsiornernut atatillugu, piginneqatigiiffiup, ilassinnilluni aggersaaneq atillugu, aningaasartuutit tunngassutilimmik naammagittaallit matumani pineqarpoq. Akilerarutit Naligiissaasartut, aningaasartuutaasup, ilassinninnermi aningaasartuutit ilanngaatigineqarsinnaatitaanera itigartitsissutigivaat, tamatumalu illuatungaaitigut, aningaasartuutit pisortap akissarsianut ilassutit akilerarutaasussatut nalilerlugu. Aningaasartuutit allat, piginneqatigiiffiup, ilassinninnermi aningaasartuutit naatsorsuutit allassimasai, akissarsiaqaatigisatut inuussutissarsiutaanernut attuumassuteqarneq uppersaataasinnaasunik ilanngussaqarfiusimangitsut, pisortap aamma piginnittuunerpaap, akissarsiaanut ilassutit aamma isigineqarput. Akilerartarnermut Siunnersuisoqatigiit naliliinerit alajangersarpaat.

### **Suliami pissutsit piviusut**

Ukiumi 2005 – imi piginneqatigiiffik ataaseq, pisortap aamma piginnittuunerpaajusup, Kalaallit Nunaanni ukiunik 30 – nngortorsiornernut atatillugu, ilassinninniarluni aggersaaneq aningaasartuuteqarpoq.

Piginneqatigiiffiup, ukiumi naatsorsuiffiusumi, ilassinninnermi aningaasartutit arlallit, uppersaataatigangitsut imaluunniit amigartumik uppersaataatillit, ilanngaatiginissaat piumasaqaatigivaa.

## Malittarisassat piviusunngortitsinerlu

Aningaasarsianit akileraarutit pillugit Inatsisartut inatsisaa nr. 5, 19. maj 1979 minngaaneersoq

- § 17, imm. 1, nr. 1

*Aningaasarsiat akileraaruteqaataasussat natsorsornerini ilanngaatigineqarsinnaasut tassaapput:*

*1) ingerlatsinermi aningaasartuutit, tassa imaappoq, aningaasarsiat piniarnerannut, isumannaalliniarnerannut, allanngutsaaliorniarnullu, ukiup ingerlanerani aningaasartuutaasimasut, taakkununga ilaallutik, akileraartarnermi nalikilliliinerit. Akileraartarnermi nalikilliliinermi maleruagassat aammalu pigisat nalikillilernerqarsinnaasut, allamut tunineranni, il.il. iluanaarutit ajunaarutilluunniit, akileraartarnermut tunngassutillit suliarineranni, maleruagassat Landsstyrip aalajangissavai.*

Ilassininnermi aningaasartuutit ilanngaatigineqarsinnaatitaaneranni, ilassininnermi aningaasartuutit, suliap akissarsiaqaatissatut pissarsiarineranut attuumassuteqarnerisut apeqqutaavoq. Akileraartussaataasup piunasaqaatit naammassineqarsimanersut uppersaasersortussaavai.

Aningaasartuutaasoq, inummut namminermut tunngassuteqartumik pissuteqarpat, matumani ilaallutik, pisortap aamma piginnittuunerpaap ullorsiomera, pissutsit tunngaviusut nalinginnaasut malillugit, aningaasartuutigisat, ilassininnermi aningaasartuutit ilanngaatigineqarsinnaanngillat, qaaqusat akornganni niueqatigisat suleqatigisallu ilaagaluarpataluunniit. Aningaasartuutit taamaattut pisortap akissarsiaanut ilassutitut isigineqassapput. Piginneqatigiiffik akissarsianut aningaasartuutiminik ilanngaateqassalluni piginnaatitaaffeqarpoq.

Ingerlatsinermut aningaasartuutit ilanngaatigineqarmissaannut, tunngaviusumik piunasaqaatit atuuttut malillugit, suliap akissarsiaqaatissatut pissarsiarineranut atasumik, aningaasartuutit attuumassuteqarnerat, uppersaasersorneqartussaapput. Akileraartarnermut inspektoratip nalunaarutaani nr. 37, 21.04.1975 - imeersumi ilassininnermi aningaasartuutininut uppersaasersuinissamut najoqqutassat allaqqapput.

Aningaasartuutit, inuussutissarsiornermut naleqquttuuneranik uppersaataitaqanngitsut, inummut namminermut tunngassuteqartutut isigineqarput, taamaasillutillu ilanngaatigineqarsinnaanatik. Periuuserineqartartut malillugit, aningaasartuutit pineqartut, inummut suliffeqarfimmut pingaarutilimmik inissisimasumut, assersuutigalugu, pisortatut aammalu piginnittuunerpaatut inissisimasumut, saniatigut aningaasarsiatut isigineqarsinnaassapput.

### **Akileraartarnermut Siunnersuisoqatigiit nalilersuinerat tunngavilersuutaallu**

Akileraartarnermut Siunnersuisoqatigiit tunngavigisaat taassaavoq, piginnittuunerpaap, ukiunik 30 – nngortorsiornera, pisoq tassaavoq inummut namminermut tunngassutilik, piginneqatigiiffiullu ilassinninniarluni aggersaanermini, ilassinninnermi aningaasartuutitut taallugit aningaasartuuteqarnera, ilanngaateqarnissamut piginnaatitaaffeqartut akuerineqarsinnaangitsoq.

Akileraartarnermut Siunnersuisoqatigiit tunngavigisaat tassaavoq, aningaasartuutit arlallit, inuussutissarsiornermut naleqquttuunerannik uppersaatitaqannginnerat. Matumani pineqarput aningaasartuutit ilanngussartaqanngiivissut, aammali ilaallutik aningaasartuutit, inummut namminermut tunngassutilittut isigineqartariaqartut.

### **Akileraartarnermut Siunnersuisoqatigiit aalajangiussaat**

Akileraartarnermut Siunnersuisoqatigiit, akileraarutininik naligiissaasartut inissiinerat imatut aalajangersarpaat, ilassinninniarluni aggersaanermini aningaasartuutit, pisortap piginnittuunerpaajusullu akissarsiaanut ilassutaasut. Akileraartarnermut Siunnersuisoqatigiit aalajangersarpaattaaq, aningaasartuutit, inuussutissarsiornermut naleqquttuunerannik uppersaatitaqanngitsut, piginnittuunerpaap saniatigut akissarsiaatut isigineqartariaqartut. Saniatigut aningaasarsiat pisortap akileraaruteqarfigisussaavai.